

## 井蛙漫錄

因值校舍修繕，全校師生至萬善爺廟上課，即事而賦

建校一甲子，鬻舍舊且危，癸巳事修葺，師生憂何之，仁哉萬善爺，拜庭借及時，備我新桌椅，水電不計資，入拜大萬人，謝庇生與師。始業學子至，習業不稍遲，庭闊風無阻，盛暑涼意滋，廟外車行喧，難免擾神思，六班無屏障，顧盼心稱奇，讀書競琅琅，聞者皆展眉。偶值驟雨襲，夾書廟內馳，入內席地坐，續業不務嬉。階下廟埕廣，騁躍適所宜，課間學子樂，蹴鞠展英姿。課後勤灑掃，日潔庭與墀，廟公情意厚，修我敝帚箕。悠悠忽月餘，舍成賦離辭，臨行再拜謝，敬神心不移，拯童昔戰水，至今德澤遺。

## 冬日負暄

陰寒漸散步東籬，煦煦冬陽暖四肢，入喚三兒齊出曝，殷勤見笑野人癡。

釋迦未熟，兒急欲食，戲賦

兒觀佛果屢垂涎，往復摩娑欲軟堅，一日多回頻問訊，藍田有識笑連連。

## 伴讀

對坐冊堆前，希兒習業專，英文張口誦，數理靜心研，有惑隨時解，無非逐日延，輕舟行逆水，未必不能全。

## 栽薯

六月爭栽薯。奔波費心神，農機東家僱，倩工問西鄰，具品祀福德，翻土分壟均，村中數往返，夫自任苦辛。苗販素友好，運藤未及晨，初曉婦工至，吾隨覆笠巾，低頭務扦插，不意高日輪。忽聞夫遠喚，餉田情意親，粗飯填飢腹，壺漿甘潤唇。午後更奮力，日蒸微汗津，及至薯完栽，腰痠腿不仁。夫自壟頭來，酬工一日薪，回首相扶將，久久始欠身，與歸沐斜暉，餘意在新春。

## 除田草不及

東西橫長草猖狂，手握鋤薶往復忙，日昨才除今又發，臨畦喚薯立昂昂。

## 除草有悟

莊稼莘莘可養人，芊芊野草病時親，何須怒目分良莠，翦伐連根意不仁？

## 無奈

試掘田畦喜薯肥，萋萋綠葉映斜暉，相詢薯值鄰惟嘆，迎面風來冷欲歸。

## 收薯前夜雨

夜半雨霏霏，驚聲睡意微，臨窗聽瀝瀝，壟土幾時晞？

### 焯番薯

地瓜新穫暫閒田，日軟風涼聚壟邊，掘土堆窖齊奮力，剖柴燒火任熏煙，坍塌爛薯仍須時，把碗盛饘不羨仙，笑語盈盈香四溢，相邀過客共嘗鮮。

### 乘涼

室蒸難解頤，扶凳聚東籬，秉扇驅蚊蚋，尋歡接字詞，風來消暑氣，語謔解煩思，露重蟾聲響，相邀樂此時。

### 逛牛墟

牛隻交易久聞名，今赴墟場顧盼行，不見蹄痕深印地，惟聞百貨促銷聲。

### 拾平安錢

賀壽酬神扮八仙，眾思承福聚臺前，鄉人可愛爭錢幣，肯讓殘羸敬老年。

### 補褲

紉線縫兒褲，非因別意滋，針針連綻密，意恐子耽嬉。

### 籬旁番茄

枝繁葉茂舍籬東，亂綠叢中數點紅，物鄙無堪神佛饗，啖兒猶有解饑功。

### 病齒

驚螫時分白齒瘡，言稀食少暗摩娑，流光輾轉催牙落，冀保三顆助詠歌。

### 社群網

交遊上臉書，十指不躊躇，打卡形蹤顯，貼文知見餘，無心頻按讚，有識卻臨虛，鴻爪留泥上，何能任翼舒？

### 開蚵婦

屈坐門前玉指忙，殼開蚵落漸盈筐，回看稚子仍安睡，積兩成斤趁日長。

### 早餐車

裊裊炊煙未曉天，餐車販食廟埕邊，茶湯麵飯迎飢客，囊腹雙盈生計全。

### 觀兒取食自家花生

土豆滋脾屋後生，兒將取食面疑驚，形雖怪短無殘藥，莫學南人小晏嬰。

雨後虹霓

雲微雨霽景觀新，彩錦橫空兩半輪，鏡像相生環內外，莫非仙戲墜凡塵。

與夫辯飲酒

夫婿醺醺醉意殘，言來語往不相歡，黃湯兩碗千愁泯，白水三甌萬病安，小酌怡情能活血，多嘗亂性易傷肝，彈琴對牝終難解，信步鄰家賞玉蘭。

觀買彩券

八路人潮湧店門，包牌選號鬧喧喧，凡夫欲得財神顧，先奉金銀入寶盆。

喜待兒歸

門前雀躍戲冬陽，解意兒今欲返鄉？一路風塵應瘦損，共夫炊飯燉雞湯。

同僚因老見嫌家長，有感而賦

高才飽學久爲師，鶴髮雞皮惹異辭，芳豔應輸松柏綠，花開最盛欲凋時。

觀〈印度電影三個傻瓜〉有感

蜂飛蝶舞扮花媒，蚓化春泥作土堆，雖是微材難自棄，天空地闊莫徘徊。

道遇陣頭少年有感

耀顯神威意氣揚，街頭扮將逞輕狂，喧闐鼓炮龍獅舞，動地驚天葉又黃。

觀新聞〈內湖保護區變更地目爭議〉有感

造化成湖利滯洪，疏調雨澇應蒼穹，無心政府知行怠，有意財團土石充，逞欲營私名目變，因非作是佛心空，洵洵亂水群黎苦，普渡波臣釋教功。

久旱

南地風鈴燦爛黃，落英迤邐任徜徉，九蛙攀出明潭底，不爲觀花望賜漿。

望江南

多少怨，春意誤東牆。雨潤新苞姿窈窕，微舒嫩蕊吐幽香，蝶舞向他芳。

（註：—爲平，+爲可平可仄，|爲仄。

望江南的平仄如下：

—+|，+||—。+|+—|，+—+||—，+||—。

出處例詞：

白居易

江南好，風景舊曾諳。日出江花紅勝火，春來江水綠如藍，能不憶江南？

溫庭筠

梳洗罷，獨倚望江樓。過盡千帆皆不是，斜暉脈脈水悠悠，腸斷白蘋洲。）